



TUISHI TENA FOUNDATION (TTF)

ORGANIZATION PROFILE

Kauli Mbiu:

“Kurejesha Matumaini, Kujenga Maisha Mapya na Jamii Salama.”

1. UTANGULIZI

Tuishi Tena Foundation (TTF) ni taasisi isiyo ya kiserikali inayofanya kazi Tanzania Bara kwa lengo la kuleta mabadiliko chanya kwa wafungwa, waliowahi kufungwa, vijana walio katika mazingira hatarishi, watu waliotengwa kijamii na familia zilizoathirika kutokana na athari za kifungo.

Taasisi inaamini kwamba kila mwanadamu ana uwezo wa kubadilika, kurekebisha maisha yake na kuwa raia mwenye mchango chanya katika jamii. Kupitia elimu, ushauri nasaha, mwongozo wa kiroho, mafunzo ya ujuzi, uwezeshaji wa kiuchumi na ushirikiano wa kijamii, Tuishi Tena Foundation inalenga kujenga maisha mapya na jamii salama.

2. HISTORIA YA KUENZISHWA

Tuishi Tena Foundation ilianzishwa kutokana na uzoefu wa maisha halisi wa mwanzilishi wake Saidi Ismail Kinanda, aliyepitia kipindi cha miaka 16 gerehani na kushuhudia changamoto zinazowakabili wafungwa wakati wa kifungo na baada ya kurejea katika jamii.

Uzoefu huo ulizaa maono ya kuanzisha taasisi inayotoa matumaini, mwongozo na fursa ya kuanza upya kwa watu walioathiriwa na kifungo na kutengwa kijamii.

3. MAONO (VISION)

Jamii ambayo wafungwa, waliowahi kufungwa, vijana walio katika mazingira hatarishi, watu waliotengwa kijamii na familia zilizoathirika na kifungo wanaishi maisha yaliyorejeshwa, yenye uwezo na ushirikishwaji kamili katika jamii.

4. DHAMIRA (MISSION)

Kurekebisha, kurejesha na kuwawezesha watu walioathiriwa na kifungo na kutengwa kijamii kupitia ushirikiano na taasisi za marekebisho, serikali, jamii, familia, sekta binafsi na wadau wa maendeleo kwa lengo la kuimarisha

mabadiliko ya fikra, ustawi wa kiroho, maendeleo ya ujuzi, uwezesaji wa kiuchumi na urejeshaji wa maisha.

5. MAADILI YETU (CORE VALUES)

Heshima kwa utu na haki za binadamu.

Huruma, upendo na kukubali mabadiliko ya mtu.

Uadilifu na uaminifu.

Uwajibikaji na uwazi.

Kutobagua kwa misingi ya hali, historia au imani.

Ushirikiano na jamii na wadau.

Weledi na ubora wa huduma.

6. LENGU KUU

Kuratibu, kuhamasisha, kuimarisha na kuwezesha juhudi za kitaifa za marekebisho ya tabia, mabadiliko ya fikra, urejeshaji wa kijamii, maendeleo ya ujuzi na uwezesaji wa kiuchumi kwa wafungwa, waliowahi kufungwa, vijana walio katika mazingira hatarishi na familia zilizoathirika kijamii.

7. MALENGO MAHSUSI

Kutoa elimu ya maadili, uraia, kujitambua na kuzuia uhalifu.

Kutoa ushauri nasaha wa kitaalamu na mwongozo wa kiroho kwa wanaohitaji, kwa kuheshimu uhuru wa imani za watu.

Kutetea maboresho ya sera na mifumo ya marekebisho na haki za binadamu.

Kuunganisha familia, jamii na taasisi mbalimbali katika mchakato wa urejeshaji

Kufanya tafiti na kusambaza maarifa kuhusu marekebisho, urejeshaji na kuzuia uhalifu.

Kujenga uwezo wa maafisa, wahudumu wa jamii, walezi na wadau wengine.

Kutoa mafunzo ya ufundi stadi, ujasiriamali na uwezesaji wa kiuchumi.

Kutoa misaada ya kifedha, ruzuku ndogo au vifaa vya kujikimu pale rasilimali zitakapowezesha.

8. WALENGWA

- Wafungwa waliopo magerezani.
- Waliowahi kufungwa.
- Vijana walio katika mazingira hatarishi.
- Watu waliotengwa kijamii.
- Familia za wafungwa na waliowahi kufungwa.
- Jamii kwa ujumla kupitia programu za elimu na uzuiaji wa uhalifu.

9. PROGRAMU NA SHUGHULI MUHIMU

A. Programu ya Marekebisho na Urejeshaji wa Maisha

Mafunzo ya mabadiliko ya fikra na tabia.

Programu ya “Maisha Baada ya Gereza”.

Ushauri nasaha wa kisaikolojia na kiroho.

Mentorship na uongozi wa maisha.

B. Elimu na Kuzuia Uhalifu

Semina, makongamano na kampeni za elimu.

Elimu kwa vijana mashuleni na katika jamii.

Kampeni za kujenga amani, maadili na uwajibikaji.

C. Uwezeshaji wa Kiuchumi

Mafunzo ya ufundi stadi na ujasiriamali.

Kuunganisha walengwa na fursa za ajira.

Msaada wa vifaa vya kazi na mitaji midogo.

D. Haki, Utafiti na Ushirikiano

Kliniki za msaada wa kisheria.

Tafiti kuhusu changamoto za mfumo wa marekebisho.

Utetezi wa maboresho ya sera na sheria.

Uratibu wa ushirikiano kati ya serikali, jamii na wadau mbalimbali.

10. ENEO LA KAZI

Tuishi Tena Foundation inafanya kazi Tanzania kupitia programu zinazofika magerezani, jamii, mahakamani, vituo vya marekebisho, shule na kaya zilizo katika mazingira hatarishi.

11. USHIRIKIANO WA KIMKAKATI

Taasisi inalenga kushirikiana na:

Jeshi la Magereza.

Jeshi la Polisi.

Mahakama na sekta ya sheria.

Wizara na taasisi za serikali.

Taasisi za dini.

Mashirika ya kiraia na ya kimataifa.

Vyuo na taasisi za tafiti.

Makampuni kupitia programu za uwajibikaji kwa jamii (CSR).

12. MATOKEO YANAYOTARAJIWA

Kupungua kwa kurudia uhalifu.

Waliowahi kufungwa kujenga maisha ya kujitegemea.

Kuongezeka kwa kukubalika kwa walengwa katika jamii.

Kuimarika kwa afya ya akili, maadili na ustawi wa kiroho.

Kuongezeka kwa ujuzi na fursa za kiuchumi.

Kuimarika kwa ushirikiano wa wadau katika sekta ya marekebisho.

13. UONGOZI NA UWEZO WA TAASISI

Tuishi Tena Foundation inaongozwa na waasisi na viongozi wenye uzoefu wa maisha, utaalumu na dhamira ya kuleta mabadiliko ya kweli katika sekta ya marekebisho na urejeshaji wa kijamii. Mfumo wake wa utawala unazingatia uwajibikaji, uwazi na utawala bora kwa kuongozwa na Katiba ya taasisi.

14. MAWASILIANO

TUISHI TENA FOUNDATION (TTF)

Anwani: P.O BOX 30467

Simu: +255 746 211 074 / +255 652 743 713

Barua pepe: tuishitenaf@gmail.com

Kauli ya Mwisho

“Hatuangalii makosa ya jana; tunaamini uwezo wa kujenga kesho bora.”